

1. august 2012

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Nalunami kuultisiorfimmi qassit sulisorineqarpat sulisuniillu qassit nunatsinni najugaqarpat?**
- 2. Akileraarutit A-skat-it Nalunami kuultisiorfimmiit qassit landskasse-mut akiliutigineqartarpat?**
- 3. Apeqqutigaa 2. akineqarsinnaassanngippat paaserusuppara kuultisiorfimmi sulisut amerlassusaannut naapertuuttumik A-skat-inik akileraaruteqartoqarsimanersoq.**

Inuussutissarsiummik Ingerlataqartunik Nalunaarsuiffiup allattorsimaffiani (GER) Angel Mining (gold) allaqqavoq GER-nr.-qarluni 12539061. Angel Mining (gold)-ip 2010/2011-mut naatsorsuutaani allaqqavoq Angel Mining (gold)-ip piginnittuni Angel Mining Plc. sinnerlugu Nalunami piiiaanissamik akuersissuteqalernissaq siunertarigaa.

Aatsitassat pillugit ingerlatallu tamatumunnga pingaarutillit pillugit inatsisartut inatsisaanni §16 imm. 3. ima allasimavoq:

” Imm. 3. Imm. 1 malillugu piiiaanissamut akuersissut taamaallaat aktieselskabimut tunniunneqarsinnaavoq, takuulli § 32, imm. 2. Selskabi inatsisartut inatsisaat manna malillugu akuersissummi aalajangerneqarsimasunik taamaallaat ingerlataqarsinnaavoq, selskabinillu allanik akileraaqateqaqqusaanani, pinngitsaaliissummik akileraaqateqarnissaq eqqaassanngikkaanni. Malittarisassatut pingaarnertut selskabi Kalaallit Nunaanni nalunaarsorneqarsimasussaavoq (”angerlarsimaffeqartussaavoq”). Selskabi suliffeqarfissuarmut selskabip pigineqarfianit aningaasarliornerutinneqassanngilaq, taamaattorli selskabip allanit aningaasalersorneqarnera tamatigit nammineq aningaasaataanit uuttuut 2:1 angullugu qaangiisinnaavoq. Selskabi ataatsimut isigalugu akit ”talertut takitigusut” niuertassaaq aamma piumasaqaatit ”talertut takitigusut” atortassallugit. Piginnaatitsissummik pigisaqartoq suliaqarfisigut pisariaqartunik piginnaasaqartussaavoq kiisalu piiianermi ingerlatamut pineqartumut aningaasaqarnikkut pisariaqartumik tunuliaquteqartussaalluni.”

Angel Mining (gold) misissuinissamut akuersissummik peqartutut allaqqavoq.

- 4. Qanoq isilluni Angel Mining (gold) misissuinissamut akuersissummik peqartutut allaqqasinnaava piiiaanissamut akuersissummik tigusaqarsimaguni?**
- 5. Aatsitassat pillugit ingerlatallu tamatumunnga pingaarutillit pillugit inatsisartut inatsisaanni §16-nimi allaqqavoq suliffeqarfik aatsitassanik piiiaasoq Kalaallit Nunaanni najugaqassasoq. Matumuuna paaserusunnarpoq suliffeqarfiup suup Nalunami kuultimik piiianeq ingerlanneraa.**

(Inatsisartuni ilaasortaq Karl Lyberth, Siumut)

Tunngavilersuut:

Nunatsinni aatsitassanik paaaviit pioreersut qanoq nunatta karsianut sunniuteqarnersut nunaqavissunillu sulisoqarnikkut qanoq iluaqutaatiginersut Inatsisartuni ilaasortaasugut ilisimasaqartariaqarnerput tunngavigalugu tamakkununnga tunngasunik paasitinneqartarnissarput pingaaruteqarpoq pisariaqarlunilu.

Aatsitassarsiornermi suliassat annertuut pillugit nalunaarusiap ukiamut oqallisiginissaa eqqarsaatigalugu apeqqutit pineqartut attuumassuteqalluinnartutut isigaakka.

Kissaatigaara apeqquteqaatikka ullut suliffiusut qulit iluanni akineqareersimanissaat.